

[Augsburg], 6. April 1576

An Theodor Zwinger

UB Basel, Fr. Gr. II 4, Nr. 343.

S. Mitto ad te, Clariss[ime] vir, d[omine] et amice colende, Christophorum Hainzelium, auditorem olim meum, ingenio et industria praestantem, meique obseruantissimum: neque, dum Tybingae Medicinae dat operam, mores eum mutasse puto. Quem ut commendatum habeas, et progressu temporis laureola medica ornatum huc remittas, oro. Id mihi, ut innumera tua in me officia, pergratum erit, si modò tum fuero: ὅπερ θεοῦ ἐπὶ γούνασι κεῖται.

Reditum D. Scheurlini et Henischij multi expectant: huius sponsa in primis, et schola nostra: quibus, si adhuc isthic sunt, multam S[alutem] precor. Vale. 1576. 6 Aprilis.

Hiero[nymus] Wolfius  
Tuus.